

二月份中國天氣概況

本月全國天氣仍在蒙古高氣壓控制之下，寒潮入侵至頻。西北高原及雲南山地天氣甚晴朗，平均雲量約在十分之五以下，晴曇日數達二十日以上，罕見雨澤下降。而在其他各地則類皆陰沉多雨，川桂諸省尤甚，惟華北平原，山東半島及長江三角洲均已淪入戰區，俱無報告足資參證，天氣如何，無從得知。

溫度 平均溫度以黃河上中流為最低，約在 -2°C 至 -5°C ，榆林，甯夏，肅州諸地最低溫度向在 -20°C 左右，塞外苦寒，信非虛語，渭水盆地及黃河下流雖最低溫度每至零下，而全月平均，尚達 2°C — 4°C ，長江流域以四川盆地為最暖， 8°C — 9°C ，兩湖江西稍低，約 6°C — 8°C ，貴州以高緯關係，為江南最寒之區，月溫約 3°C — 6°C ，隨高度而有高下，東南海濱在 8°C — 10°C 之間，兩廣全境均在 10°C — 15°C ，而雲南以北有康藏山地為屏，亦達 13°C 之多。

雨量 雨量之分佈，約以秦嶺為界，嶺北均在 10mm 以下，西安鄭州僅見雨跡。長江流域多在 20 — 60mm 之間，惟四川盆地則多不及此數，重慶全月僅 5mm ，珠江流域約 50 — 100mm ，東南沿海為全國雨澤最豐之區，雨量概在 100mm 以上，綜觀全國雨量之分佈，大致作自西北向東南遞增之勢。

月初，高氣壓中心在滿蒙間，楔端據有中國東部，各地北風之勢甚盛，長江上流有一低氣壓發生，西北有雪，江南多雨，三日低氣壓已入海，而長江流域雨雪之勢猶盛，至六日始稍止。八日高氣壓穩據華中，各地天氣多轉晴朗，以輻射關係，夜間溫度頗低，惟華南天氣仍未見改善，九日長江上游復雨，且漸波及東南一帶，十二日高氣壓東移入海，東南一帶為一低氣壓槽所據，天氣至為惡劣。十四日又有一高氣壓入據華中，惟次日即進抵既日本，暖氣流之勢頗盛，西南各地，頓見燠熱，邕寧最高溫度達 31.5°C ，低氣壓發生于長江中流，十六日寒潮南侵甚劇，各地多大風及陣雨。十七日至二十六日間，華中均在高氣壓控制之下，全國晴朗，僅初時華南尚有若干雨澤，嗣亦漸行轉佳，本月各地最低溫度多發生於二十一二兩日，此蓋夜間輻射強盛，有以致之。在此期間，晨霧頗稱流行。二十七日一低氣壓自西北向東南進，高氣壓移行入海，暖氣流乘間北上，各地溫度頗高，惟迄月終，全國天氣俱甚穩定，僅西南一帶，以地形關係，偶有若干零星之雨區而已。（鑒）